



Iroun Unimwaane
Clark G. Gilbert
Man te Itingaun

Te Kimwareirei n te Reirei

I aki namakinna ae e na tamaroa reireiu ngkana I a ikawai. A bane ni wanawana ni kabane tariu ao mwaaneu. A bane n raraoi aia bwii. A anai kiraati aika a rang kangaanga. I teimatoa ni kata au kona ni kiraati aika matoatoa, ma I bon aki roko n te butimwaeaki. E bon rangi ni matoatoa te nuamera. Ngaia are I iango, "Eng, I taku bwa I bon aki wanawana." Akea n au iang bwa e kona ni bitaki anne.

Teuana te ririki i mwiina e reke au tia reirei are e anganai te mweengaraoi are I kainnanaoia. E noori riki taarena irou au tia reirei nakon are I ataia. E taku, "Clark, ko kona n riki bwa ataein te reirei ae tamaroa. Ko riai ni bon onimakiniko i bon iroum."

Ngaia are I reitinako ni kataia.

I a kakorakorai riki ni kamatebwai. I mwakuria naba bwa N na barongaaki riki. I reireinai arou ni kawakin mwiin au bwai n reirei ake I

karaoi ni mweengau. E buokai kamatean te TV bwa N na kabanea riki au iango i aon au bwai n reirei. I mwiina, I a riki bwa ataein te reirei ae tamaroa riki. Ao e a rikirake onimakinau i bon irou.

Ao I a nako ni karaoa au mwakuri ni mitinare, I nooria bwa I aki reireinai i bon irou. I butiia Tamau are i Karawa ibukin buokau. Ao I kakauongo nakon te Tamnei ae Raioi. Ngke I mwakuri korakora, I kona n reireiniia ao ni buokiia aomata. Ngke I a okira mweengau man au mition, I nakon te reirei are i aona riki. I tataro ibukin buokau nakon te Atua n au kiraati ni kabane. I a moanna n riki bwa ataein te reirei ae tamaroa ao riki I a tatangira te numera!

I iangoia bwa ngkana ko wanawana nanona ko ataibwai ao e beebete. Anne akea koauana. Ngkana ko tauraoi ni karimoa te Uea i nanon am kamatebwai ao ko mwakuri korakora ni katamaroa riki, ngkanne ko wanawana!

Ngkana a kangaanga bwaai n te tai aei, uringnga bwa ngkoe bon natin te Atua. Iai am konabwai ae rang tamaroa. Ko kona ni karaoi bwaai aika a kangaanga. Ti teimatoa ni kataneia ni karaoia. Bubutiia Tamam are i Karawa ibukin buokam. E tangiriko bwa ko na tokanikai. Ko kona ni karaoa aio! ●

Man te marooro n titiraki ma Olivia Kitterman ao Noelle Lambert Barrus.



E Kaunga te Reirei

Kakaei baeten ni bwain te reirei n te tamnei ae i nano. Tera ae ko reiakinna n te reirei?



"Ukukori man booki aika moan te raioi taeka ni wanawana; ukukoura te rabakau, n te kamatebwai ao n te onimaki naba."
(Reirei ao Berita aika Tabu 109:7).